	Område: Generelt	Emne: 1.1.0 Baggrund		Side antal: Side 1 af 2
	Godkendt områdeansvarlig: Forstander	Q – bog: Kvalitetshåndbog	Erstatter:	Forfatter: JC OBZ BRO
	Godkendt Q-koordinator: BRO	Dokumentbetegnelse: G Q 1.1.0 - 02 DK		Gyldig fra: 10.09.2018

Kapitel 1 - Nalinginnaasumik

1.1.0 Oqaluttuassartaara tunuliaqutaa

Kalaallit Nunaat tamatigut nukissaniq immamit pisunit pisariaqartitsuaannarpoq, piniarneq aalisarnerlu aqqutigalugit. Taamaattumik inuiaqatigiit tamarmik immamut attuumassuteqarput, taamaattumillu ulluinnarni kalaallit amerlasuut imarsiortarput arlaannik pilersitsiniassagamik nutaartugassaqaarniassagamilluunniit, piniarnertik aqqutigalugu puisinik, aarrernik aammalu arfernik imaluunniit aalisakkanik pisaqartaramik.

Kalaallit Nunaanni imarsiornikkut ilinniartitaaneq sivisuumik ileqqusimavoq. Piffissallu ingerlanerani Imarsiornermik Ilinniarfik nunneqartarsimalluni. Taamaattumik naalaganngorniaqarfik siusinnerusukkut Nuummi, Ilulissani Paamiunilu inissinneqartarsimavoq.


1. Juli 2013 aallarnerfigalugu Namminersorlutik Oqartussani qinikkat aalajangigaannik, siusinnerusukkut Paamiuni Imarsiornermik Aalisarnermillu Ilinniarfik aamma Aalisarnermik Piniarnermillu Ilinniarfik Ummannamiittoq katitinneqarput. Ulloq 31 decemberi 2016 ilinniaritaanerit Ummannamiittut Paamiut immikkoortortaqaqarfianut nuunneqarput. Taannalu isumaqarpoq Imarsiornermik ilinniarfik marlunnik immikkoortortaqaqarlermat, imaani Nunatta iluani ilinniartitaanermut suliaqartunik.

Immikkoortut 2-it ukuupput:

- Imarsiornermik Ilinniarfik Nuuk. Immikkoortoqaqarfiup akisussaaffigaa aalisarnermi pajuttaatinillu aqumiut ilinniartitaanissaat. Ilanngullugulu ilinniarfiup pikkorissarnermut immikkoortoqaqarfia tassani inissisimavoq.
- Imarsiornermik Ilinniarfik Paamiut. Immikkoortoqaqarfiup akisussaaffigaa skibsassistentitut ilinniartussat tunngaviumik ilinniartitaanissaat kiisalu qalulerinermik ilinniartritaaneq, Aalisartutut Piniartutullu ilinniartitaanerup naammassineqarnissaa.

Imarsiornermik Ilinniarfik pisortanik pigineqarluni nammineq ingerlattut ilinniarfeqarfiuvoq namminerisamik siulersuisoqarluni.

Imarsiornermik Ilinniarfik Namminersorlutik Oqartussat ataani Ilinniartitaanermut, Piorsarsimassutsimut, Ilageeqarnermut aamma Naligiisitaanermut Qullersaqarfimmut inissisimavoq, Taakkunanngami aningaasalersorneqarnermigut ingerlanneqarnermigullu aningaasaliiffigineqartarami.

	Område: Generelt	Emne: 1.1.0 Baggrund		Side antal: Side 2 af 2
	Godkendt områdeansvarlig: Forstander	Q – bog: Kvalitetshåndbog	Erstatter:	Forfatter: JC OBZ BRO
	Godkendt Q-koordinator: BRO	Dokumentbetegnelse: G Q 1.1.0 - 02 DK		Gyldig fra: 10.09.2018

Ilinniartitaanerit Inatsisartut inatsisaat nr. 10 19. august 2010-imeersoq innuussutissarsiornermi immikkoortumi innuussutissarsiornermut ilinniartitaanerit pikkorissarnerillu naammassineqarnissaat naapertorlugit aaqqitaapput.

Imarsiornermut tunngassuteqartut ilinniartitaanerit tamarmik akisussaaffigineqarput Imarsiornermik Ilinniarfik/Grønlands Maritime Center-imit, taakkualu STCW-isumaqatigiissut aamma Søfartsstyrelsenimit kaajallaasitaq atuuttoq naapertorlugit naammassineqartussapput.

Imarsiornermik Ilinniarfik/Grønlands Maritime Center, kaajallaasitaq nr. 1373 16/12/2009-imeersoq imarsiornermi ilinniartitaanerit pitsaassutsit qulakkeernissaata akuerineqarnissaanut tunngasoq malittussaavaa.

Suleqatigiinnissamat isumaqatigiissummi 19. juni 2001-immersumi Namminersorlutik Oqartussat Søfartsstyrelsenillu akonanni isumaqatigiissutaasumi ilanngullugu saqqummiunneqarput:

- i. Søfartsstyrelsen Pisortaqarfimmit (Ilinniartitaanerimut, Ilageeqarnermut, kultureqarnermut naligiisitaanermullu Naalakkersuisoqarfik)-mit piginnaatitaaffilerneqarput Kalaallit Nunaanni imarsiornermik ilinniartitaanerit nakkutigeqqullugit.
- ii. Imarsiornermik Ilinniarfik/Grønlands Maritime Center, søfartsstyrelsenimit akuerineqartussaavoq.
- iii. Imarsiornermik Ilinniarfik/Grønlands Maritime Center, qulakkeertussaavaa ilinniartut ilinniartitaanermikkut piumasaqaatinut naammassinissaat, tassunga ilanngullugu angalanissamat piffissaliussap piumasaqaataa, soorlu tamanna søfartsstyrelsenip nalunaarutigereersimagaa.